



UNIVERSITÄTS-
BIBLIOTHEK
PADERBORN

Universitätsbibliothek Paderborn

Annales Mariani Societatis Iesv

Nádasi, János

Romæ, 1658

Anno MDCXXXIX.

urn:nbn:de:hbz:466:1-42840

Amen: & nomen adiecit. Semper verum est illud Bernardi: Hortus deliciarum nobis est Sacratissimus tuus vterus: quia ex eo multiplices gaudij flores colligimus quoties mente recolimus quàm magna multitudo dulcedinis toti orbi inde affulsit.

t. 2. orat.
ad B. V.
fol. 403.

ANNO MDCXXXIX.

865 Petrus Bastus Coad hoc anno 20. Iunij ex-
pergefieri sibi & vocari visus est à tribus Cherubini-
nis dicentibus: Deipara te vocat. abiit cum illis, &
in sacro in sacra hostia illi visa est repræsentari Af-
sumptio Deiparæ illum aspectu suo mirificè re-
creantis: id quod aiebat à se spectatum quotidie,
à festo B. Aloyfij vsque ad festum S. P. Ignatij.

Assump-
tio.

866 Hoc anno morienti in Vrbe Chuquisaca,
P. Didaco de Torres Beatissimã Virginem Matrẽ cum
Filio suo IESV apparuisse fama cõstans affirmat. Idẽ
P. Didacus Torres cum ante quàm nomen Societati
daret, Sodalitati B. V. à secretis esset, sibi cala-
mum concinnauit, quo, velut Virgini sacro, ad
eius tantum obsequia in cœtu Parthenio vteretur.
Et verò illum calamum, tanquam rem suam, vide-
tur seruasse Virgo. Nam cum æqualium quispiam
illum calamum fortè surripuisset, iamque se ad scri-
bendam suæ nescio cui mollioris argumenti epi-
stolam accingeret, noluit Virgo rem sibi à Dida-
co dedicatam parùm casto ministerio contami-
nari. Quare impurus ille scriptor sacro quodam
horrore concussus sensit sibi vi nescio quã cala-
mum è manibus eripi, atque humi allidi. Hic
idem fortasse fuetit ille calamus, de quo è Boni-
facio & Benci, narrat Lechner, furem illum ca-
lami Mariani simul sibi os palmã verberari sensisse,
simul hæc audisse: Etiamne, scelestè, rem mihi
dicatam temerare audes impuro ausu?

Mors.

ob. 1639.
13. Ian. in
Peru.

Casitas.

Sod. Par-
th. l. 3. c. 1.
n. 2.

ob. 1639.
Vlyffp.

Festa B. V.

Presenta-
tio.

867 Hieronymus de Sylua Coad. 21. Nouembris cum in itinere esset Socius P. Rectoris Collegij, eumque à longè sequeretur dolens quòd illo Præsentatæ in templo Deiparæ die nec Rector diuinis operari, nec ipse sacrâ Synaxi frui posset, conspectâ propè viam Deiparæ Matris ædiculâ, de iumento descendit, illamque inuisit. Et ecce ingressus videre sibi visus est ad aræ latus P. Franciscum Suarez (vita iam functum) supplicem iunctis manibus & sursum sublatis, genibus verò humi nixum, vnâ cum quinque Angelis eâ quâ Diaconi vti solent sacrâ veste insignibus. Item sextum Angelum, qui Hieronymo Eucharistiam porrigebat. Inde digressus, conscenso iumento, ad locum in quo prandendum erat appulsus, ibidem aliam Deiparæ ædem ad gratias pro beneficio agendas ingressus est. Mirum id visum, quòd Rectore citiùs appulisset. A Rectore ergò templum ingresso in cælesti quodam æstu deprehensus, iussusque id quod erat aperuit plenus dulcissimi lachrymarum. Postridie utroque domum appulso, è cænobio S. Claræ à Sanctimoniali laudatæ virtutis ac tam Rectori quàm Hieronymo planè ignotâ, missæ literæ ad Rectorem omnia quæ in via gesta fuerant, adeoque, ipsam Hieronymo porrectam ab Angelo Eucharistiam, narrauere.

Meditandi autem per illam petere.

868 Idem Hieronymus à P. Hieronymo Carnalio edoctus est, vt ante meditationem coronam B. V. recitaret attentè: fore id præsentissimum remedium contra languorem omnem, quo hebetes in meditatione aliquando torpescunt. Fecit id ille feliciter per omnem vitam. Noctu ergò coronâ B. V. recitatâ eò suauitatis in meditando & facilitatis perductus est ope Virginis exoratæ, vt etiam

si quatuor iam horis orasset ante alios, adhuc tamen communem cum alijs orandi horam suavissime prosequeretur; cui etiam semihoram addebat. Diei Præsentationis B. V. celebrando se per totos decem dies præparabat. Janitor factus, cænæ tempus (nec enim cænabat) P. Francisci Suarez hortatu, orationi dabat, orando nunquam languidus, nunquam fessus: quod ille donum se à DEO per DEI Matrem habere agnouit. Notum, ac dulce est illud S. Bernardi: *Totis ergò medullis cordium, totis præcordiorum affectibus MARIAM hanc veneremur. Filioli, hæc peccatorum scala &c.* Idem dabat semihoram orationi pro Sodalitatibus quas in illa Provincia habebat Virgo Mater: item pro earum Præsidibus; per quos gaudebat extendi illius gloriam, de qua B. Petrus Damiani: *Attende Seraphim; & in illius superioris naturæ superuola dignitatem: & videbis; quicquid maius est, minus Virgine; solumque opificem opus istud supergredi.*

Præsentatio B. V.

S. de aque ductu.

Pro Sodalitatibus orare.

f. i. in Natiuitate B. V.

869 Hoc anno editus est P. Alphonsi Andræ Discursus de Baptismo B. V. ad Sodales. P. Augustinus Confalonarius, præter alia, ab eo quo Societatem ingressus est anno, per totos 40. annos singulis diebus Sabbati aliquid de vita B. V. est meditatus: quo de argumento etiam luci publicæ meditationes dedit. In meditatione nobis exardescit ignis, & fiducia erga illam, cui B. Petrus Damiani: *Scio, Dominè, quia amas nos amore inuincibili, quos in te, & per te, Filius tuus, Deus tuus summa dilectione dilexit.* Etiam P. Stephanus Binettus edidit anno 1620. tesseram salutis cultum esse B. V. Et anno 1635. Gallicè principium operum Dei, seu Excellentias B. V. in quibus, ut apud bonas, feligit dicta in honorem B. V. ut è S. Io. Damasceno; *MARIA est mysterium quod in æternum*

ob. 1639. Aronæ.

Sabbato de B. V. meditari.

S. i. de Natiuitate B. V.

ob. Parisiis 1639. 4. Julij.

pag. 5. 8. erit *mysterium* : è S. Bernardino, *plus magnificat Deum*
 22. 345. *Maria quàm omnis creatura simul sumpta* : è B. Petro
 127. 66. Damiani ; *Est Respublica omnium gratiarum* . è S. Bo-
 73. 83. nauentura ; *mare omnium gratiarum* . è S. Dionysio ;
 105. 137. *Est vera caliginositas DEI* . è S. Anselmo ; *Eius supre-*
 173. 339. *ma puritas omnem creaturæ puritatem transcendit incom-*
 360. 374. *parabili sublimitate* : E Gregorio Nicomediensi ; *om-*
 543. 688. *nium pulchritudinum summa pulchritudo* . *Pulchrorum*
 753. 767. *omnium summum ornamentum* . Ex Andrea Archiep-
 836. Hierof. *Omnis sanctitatis thesaurus* . Ex Andrea
 Creteni ; *Scopus omnium Sanctorum* . è S. Birgitta
 cuius *conceptio fuit aurea hora mundi* . è S. Laurentio
 Iustin. *quicquid est gloria , totum est in MARIA* . è S.
 Ioanne Chryostomo ; *quæ ultra omnem naturæ mo-*
dam modestiam & temperantiam excoluit . è S. Bernar-
 dino ; *Orbis DEI* . è S. Ildephonso ; *ex qua omnes bea-*
tificantur . Plura deinde , etiam domestica , MA-
 RIANORUM exempla enarrat , & amorem quo ab il-
 la usque ad delicias amamur . Tum laudat illum ,
 cuius illa vox circumfertur : *Quis mihi det cordi*
omnium hominum qui sunt , fuerunt , & erunt ; ut ama-
re te possim , Regina celi , & terræ , amore immenso !
 Hoc etiam anno P. Iacobus Bernal edidit Gallicè
 B. MARIAM de bona voluntate . Pater autem Ludouic-
 cus Maimbourg Rothomagi idibus Nouembris Pa-
 negyricum elegantem scripsit , & dixit (atque anno
 sequenti edidit) Ludouico XIII. Regi Galliarum ob Gal-
 liam Virgini consecratam : eumque in eo *Iustum* ,
 & *Magnum* , & *Pium* fuisse ostendit . Recenset in-
 gentia Deiparæ in Galliam beneficia : ubi suum
 quoque animum erga Deiparam explicat , & gau-
 det Galliam Deiparæ datam esse : scitè omnia , piè
 ac eruditè .

Iaculato-
rijs illam
colere .

870 P. Didacus de Alfaro cùm studeret , socios
 Sab.

Sabbato quouis ad verberationem publicam in triclinum inuitabat amore diuinæ Matris, quam optabat omnium cordibus insertam totâ ibi maiestate regnare. Etiam puritatis illius famam Virgo Mater contra linguas seruauit illæsam. *Salue, inquit S. Ioannes Damasc. ò Domina, decies millenis honorum uocabulis digna. Salue, fons benedictionis, profligatrix inferni, ipsum gaudij natale solum. O super omnem castitatis perfectionem euecta, latere.*

871 Audinit è socijs quidam hoc anno Antuerpiæ, duos inuicem ita esse infensos, ut eorum alter diceret, se ne quidem aperti inferni spectaculo adducendum ad veniam. Huic ille autor fuit ad eundæ Hallensis Deiparæ, cuius ara & sacellum Societati commissum est. Abijt ille; & mite inde cor retulit à Virgine, odio in amorem conuerso. Perillustis vir Gerardimontibus ab aliquo dissidebat. Is pro ægro filio conceptis ad B. V. honorem votis cum nil efficeret, Alosto euocatum è Societate Patrem consuluit. Is inimicitias primò ponendas dixit; tunc sperandum benè. Discordiosorum enim votis ueluti surdam esse Deiparam. Ignouit statim: idque coram SS. Crucifixo Sacramenti religione firmavit: & filius æger conualuit ope Deiparæ. ad quam S. Io. Damasc. *Largire precibus tuis infelici animæ meæ pœnitentiæ irradiationem: ostende semitam qua ad Deum me deducas. & S. Bernardus: Quis tam idoneus ut loquatur ad eor D. N. Iesu Christi, ut tu, felix MARIA!*

872 Hoc anno P. Alphonsus Cignardus Mediolani librum edidit Italicè de Congregatione felicissimi transitus, seu mortis B. Virginis erecta in Domino Professorum S. I. cuius cœtus finis est; omnem quæ adhiberi possit operam dare, ut supremæ horæ nostræ

ol. 1639.

17. Ian.

in Para-
quaria.

27. Ian in

piet. Mar.

Græcorū.

Corda du

ra per il-

lam subi-

gere.

Ignoscere.

m. f. ode

7.

t. 2. orat.

ad B. V.

fol. 404.

Colcre. B.

V. moriē-

tem.

*Sodalitas
morientis
B. V.*

stræ prouideatur sub tutela Deiparæ, S. Iosephi, S. Michaelis, Angelis Custodis, S. Mar. Magdalena, & S. Barbaræ. Cœtus semel quot mensibus celebratur atro parietum lugubrium cultu, & sancto silentio. De efficacitate auxiliij potentissimæ Virginis pro illo articulo, vel de morte &c. differitur: mox meditatio, & contritionis formula conceptis verbis meditatè pronuntiatur. Tum ex urna sorte in scheda aliquis virtutis actus educitur, die quoque adscripto quo debeat exerceri pro mortis apparatione. S. Ioseph Græcus: *Te, ait, scalam illam quæ ad calum pertingebat, & in qua Deus innitebatur homines reddens caelestes, veneramus. Me dormitione negligentia grauatam exuscita, neque sinas me in mortem peccati obdormire. Te enim patronam, ac ducem vitæ meæ mihi vendico, ò Virgo.*

*m. f. 29.
O. f.*

*Vt aiunt
annæ
Gallob.
1644.*

In morbo.

*Imaginè
B. V. è col
lo gestare.*

873 In Gallobelgica hoc anno 1639. de quodam adolescente paralytico (is fuit Franciscus Pennant) B. Virginis ope sanari petente, sed ab ea ad S. Xauerium directo ita scribit eius confessarius: B. Virgo cum puero Iesu ei apparuit (erat festum Natiuitatis B. V. anno 1639.) suadens adolescenti vt sanitatem quam à Patrona suauissimè rogabat, à S. Xauerio (quem præsentem cum P. Marcello ostendebat) flagitaret. Et uerò ad præsentiam iconis S. Xauerij P. Mastrillum sanantis subitò conualuit; sed iterùm relapsus est, ob incredulitatem parentum. Demum ornatâ S. Xauerij icone (quam ille postea in Societatem coopatus è collo gestabat) ex paralyfi subitò firmus, & valens exiijt, domumque nostram accurrit. Ita nos ad Sanctorum cultum, ita Sanctos, imò & Filium, ad nos iuandos excitat Virgo Mater. Obijt in Societate anno 1653.

A N.